

乾龍頤

菴

道洲居

士

稿集集




● ● ●

●

● ● ●

●

● ● ●



龍

洲

集

劉
過
撰

中
華
書
局

叢書集成初編

乾道稿（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

龍洲集

此 初 此
本 編 據
各 函
叢 海
書 本
僅 排
有 印

龍洲集卷一

宋 劉 過 撰

歌行

襄陽歌

十年着腳走四方。胡不歸來兮襄陽。襄陽真是用武國。上下吳蜀天中央。銅鞮坊裏弓作市。八邑田熟麥當糧。一條路入秦隴去。落日彷彿見太行。土風沉渾士奇傑。烏烏酒後歌聲發。歌曰。人定兮勝天。半壁久無胡日月。買劍傾家貲。市馬托生死。科舉非不好。行都今萬里。人言邊人盡蠹材。臥龍高臥不肯來。杜甫詩成米芾寫。二三子亦英雄哉。

多景樓醉歌

君不見七十二子從夫子。儒雅強半魯國士。二十八將佐中興。英雄多是鞭陽人。丈夫生有四方志。東欲入海西入秦。安能龔龔守一隅。白頭章句浙與閩。醉游太白呼峨岷。奇才劍客結楚荆。不隨舉子紙上學六韜。不學腐儒穿鑿註五經。天長路遠何時到。側身望兮涕沾巾。

紅酒歌

桃花爲麴杏爲醪。酒醞仙方得新法。大槽迸裂猩血流。小槽夜雨真珠滴。峴山之北古襄陽。春風爛熳花草香。乘輅誰爲部使者。金閨通籍尙書郎。兒樣愛民真父母。十萬人家感恩厚。鵝兒不酌宜城黃。流霞造此江南酒。輪蹄日日行樂同。琥珀漱醪琉璃鐘。珊瑚枝下貴公子。人面日色相爭紅。欄干十二開簾幕。腰鼓轟雷奏僊樂。翠翹金鳳大堤倡。玉纖捧勸羅衣薄。人生百歲能幾何。海棠花開春較多。有貂可解換一斗。醉到天曉待作麼。

瓜洲歌

今年城保寨。明年城瓜洲。寇來不能禦。賊去欲自囚。偉哉淮南鎮。禹貢之揚州。念昔叢爾虜。馬箠輕江流。翠華離金陵。人有李郭不。幸被帳下兒。一箭斃其酋。帝昶有遺臭。鮮血粘鬪體。敗軍慘無主。蛇豕散莫收。勢當截歸路。盡與俘馘休。甲兵洗黃河。境土盡白溝。天子棄不取。區區乃人謀。金帛輸東南。禮事昆夸優。參差女墻月。深夜照敵樓。泊船運河口。頗爲執事羞。

盱眙行

車徐行馬後馳。天寒遊子來盱眙。功名邂逅未可知。生身畢竟要何爲。既不起。草黃金閨又。不待宴白玉。堠何不夜投。將軍飛鞚上。征伐鞭四夷。滄海可填山。可移男兒志。氣當如斯安。能生死困毛。錐八韻作賦。五字詩金牌。郎君黃頭兒。有眼不忍重。見之志大才。疏浩無期逢。人舉似人笑。嬉謂爲癡人。未必癡喚作。奇士何能奇。

從軍樂

芙蓉寶劍鵬鵠刀。黃金絡馬花盤袍。臂弓腰矢出門去。百戰未怕皋蘭塵。酒酣縱獵自足快。詩成橫槊人稱豪。但期處死得其所。一死政自輕鴻毛。將軍三箭定天山。丞相五月入不毛。生前封侯死廟食。雲臺突兀秋山高。書生如魚蠹書冊。辛苦雕篆真徒勞。兒時鼓篋走京國。漸老一第猶未叨。自嗟賦命如紙薄。始信從軍古云樂。

登昇元閣故基

腳力倦矣盡少休。侵晨更作昇元遊。眼中已不見二百四十尺突兀之高樓。但見炊煙萬竈宿貔貅。上有啼鴉噪鵲如泣訴。下有藤蔓老樹根據枝相蚪。相其結締初。匠石巧與造物侔。檣櫓枅拱不知幾大木。一本牽挽回萬牛。山川退聽左右受約束。日月烏兔早暮東西流。阿房之旗矗立矮如戟。臨春結綺望仙三閣俱下頭。盃盤塊培塿而已矣。蹄涔洞庭芥爲舟。柱撐霄漢彈壓大千界。下歷梁唐秦隋晉漢周。一朝世故有翻覆。禍結祝融回祿與鬱攸。灰飛障天烟焰熾。一火三月爛不收。遂使軀稜化草莽。丹雘成墟邱。吾聞至人侈儉初。何心有茅一把蓋。頭便可留。何必窮極土木事妖怪。脍削赤子膏血斂以哀。是故子劉子不僊。不佛亦不侯。視鸞臺鳳閣爲蘧廬。百萬買宅亦夢幻泡影滛。江西豈無家。白沙翠竹泉石幽。茅簷曝日搔背癢。籬缺牆破手蒼修。爭如以天地爲室廬。日月行住坐臥得自由。不爲朱門是不作白屋羞。有時騎鯨千里遊汗漫。有時蛤蜊遠食龜殼秋。彼昇元閣者。亟成而復壞。腸亦不能爲之斷。心亦不能爲之憂。

造物何足云。此身自贅疣。譽毀榮末必。公是非。邱跖兩窖蟻與螻。日斜諸公急下山。我有斗酒歸去來。兮相與勸酬。

大雪登越州城樓

北風吹雪天盡頭。蘇州未了來越州。越人夜乘剡溪舟。烏喙還念栖山不。吳人載酒登虎邱。窈窕萬舞難清謳。迤邐茂苑來長洲。不顧麋鹿蘇臺遊。我獨忍凍城上樓。欲擒元濟入蔡州。盛騎突出風飈飈。越人驚倒吳人愁。

望幸金陵

建鄴水太勝武昌魚有味。江東雲不比渭北春天樹。春天門翠嶺。兩岸石壁立。石頭鍾阜龍虎東西分。椎牛醢酒家家准擬犒三軍。翠華不來冷落行宮門。泰華不易得。天下關中爲本根。懷哉金陵古帝藩。千船泊兮萬馬屯。西湖真水真山好。吾君亦豈忘中原。

鑪舟采石

我昔南逝武昌夏口之山川。赤壁弔古齊安邊。又嘗北抵鷓鴣嶺風聲地。八公山前望淝水。誰令鑪舟牛渚磯。樓船蔽江憶當時。周郎未戰曹瞞走。謝安一笑符堅危。黃雲如屯夜月白。箭痕刀痕滿枯骨。健兒飯飽飲馬來。意氣猶雄歌尙烈。只今采石還戍兵。諸將奄奄泉下入。飯糗盛飯酒甕酒。位去三衙稱好手。

龍洲集卷二

七言古詩

題潤州多景樓

金山焦山相對起。挹盡東流大江水。一樓坐斷水中央。收拾淮南數千里。西風把酒閒來遊。木葉漸脫人間秋。烟塵茫茫路渺渺。神京不見雙淚流。君不見王勃才名今蓋世。當時未遇庸人爾。翠書落魄豫章城。滕王閣中悲帝子。又不見李白才思真天然。時人未省爲謫僊。一朝放浪金陵去。鳳凰臺上望長安。我今四海行將遍。東歷蘇杭西漢沔。第一江山最上頭。天下無人獨登覽。樓高思遠愁緒多。樓乎樓乎奈汝何。安得李白與王勃。名與此樓長突兀。

清溪閣次胡仲方韻

瓊樹新枝梅蕊迸。與君攜手清溪勝。舊時狎客歌舞場。何似詩人風雪逕。溪邊傑閣高峻層。左右華屋連飛甍。依稀王謝鳴珂里。髣髴秦箏雲母屏。古來繁華各衰歇。只有不磨掛壁月。小船何處載愁來。哀怨一聲吹笛裂。

呈陳總領

施頭掩銳衝擊殺氣隆隆半天黑。千家悲哀萬家哭。唐鄧征魂招不得。北斗移杓向西指。八月風高寒
塵起。大軍忠義赴襄陽。飛鳥潛魚未知死。黎黔般憂痛無策。願得空中降韓白。嗚呼何代無奇才。世間未
有黃金臺。

太宗造唐刻隋亂。仁義結民過炎漢。胡雖負恩逆天紀。忠義回天四方起。嗟哉主將失紀律。百萬秦人半
爲鬼。浮雲改變異今古。不謂前車眼中覩。當時潼關說哥舒。今日襄陽說皇甫。

先生文章擅經緯。戰法淵源如孔子。當時蜚聲沸溪洞。一掃蠻風淨如水。胸中氣壓萬人將。億萬貔貅資
餽餉。漢家火德接天統。秘計奇謀堪任相。願公飛章告天子。胡疾如風走如鬼。

商渠渡河河可憑。精衛填海海可平。物情大忌不量力。立志亦復嘉專精。憶昨痛哭麗正門。白袍黑帽如
游魂。中書堂留草茅疏。不賜誅戮光宗恩。暮年志氣耻凋喪。廣長場中弔名將。願持上方三寸鐵。細剖赤
心告今上。

今上聰明過堯湯。師王忠純如魏王。君王戮力殲仇虜。六月戈甲飛冰霜。泗州已復漢正朔。議饒寢廟修
洛陽。草茅蟻螻百無用。山林豈復中原夢。敬須洗眼候河清。讀公渢水中興頌。

憶鄂渚

我離鄂渚已十年。吳兒越女空華鮮。不如上游古形勢。四十餘萬兵籌邊。中原地與荆襄近。烈士烈兮猛
士猛。澤連雲夢寒打圍。城接武昌曉排陣。書生豈無一策奇。叩關擊鼓天不知。卻思仙人白玉笛。胡床醉

倚南樓吹貂蟬。楚釐兩峯寂。若邪溪傍還作客。空餘黃鶴舊題詩。醉筆顛狂驚李白。

寄竹隱先生孫應時時爲常熟宰

蘇州酒滴如真珠。公能醉之酒百壺。得閑政恐不來耳。來則倒縱相與俱。江山邊樓詩句好。奔走萬變同馳驅。大書小草各有態。雷霆震耀驚花姝。當其半醉尙醒在。宛若處女未嫁夫。盃行到手湖海竭。翻覆雲雨來須臾。義之屈使坐北面。命騷如役僕與奴。角巾斜飄鬢毛出。筆墨顛倒衫袖烏。回旋左右如有礙。歸路不記長鬚扶。賓儕指摘士竊笑。亦有好事描爲圖。或云先生鬱於用。浮沉欲以酒自娛。實非能飲姑好客。不時斗酒由人須。若余乃是真飲者。糟邱日日鄉無何。雖然人亦難意料。未可目以爲酒徒。相逢擺略邊幅蕞。曾次開幃無城郭。斂藏窮達付之酒。不以禮法自束拘。情歸一真與無偽。滑稽玩世爲通儒。飲與不飲無不可。醉醒醒醉同一區。癡人之前莫說夢。夢中說夢愈闊迂。客來輒飲飲輒醉。此其所以爲竹湖。不然他人豈無酒。欲去此脚自懶趨。計公之客日百數。結束冠帶紛坐隅。欲言喉牙物如梗。中懷腹非外示慙。不如鄙性好誠實。退無所議進不諛。歐公自愛曼卿放。昌黎亦喜劉義農。滿城風雨重陽近。黃花離落金英敷。山高凜風吹客倒。公樓雖小主者殊。狂當相就取一醉。有酒飲我無酒酤。此郎雖狂亦可喜。我去俗子疇當呼。世無人兮亦已久。公不容我誰容乎。

明州御大閱

書生燈牕因毛錐。說着刀劍何時持。忽聞殷殷金鼓震。驚起塊坐筋骸衰。國朝右武重秋緇。列郡敢不張

其威萬冢駢首遮道看。我亦役逐人後隨。武夫橐鞬陳整整。虎豹擎攬旌旗靡。人言吳兒畫脆弱。身髮文斷勇未知。不見拔山昔項羽。何必燕趙十始奇。軍容粲粲生光輝。悲風慘淡殺氣怒。對此忽作邊頭思。熊熊不諱曉爭出。萬騎馳突塞打圍。紛紛毛血腥原野。箭竹正墮驚鴻飛。將軍仰笑軍吏賀。金帛填委深溝池。十年文窮坐百拙。感慨一賦從軍詩。

嘉泰開樂日。殿巖涇原郭季端邀戲。鳳山自來美堂。而上湖亭海觀梅坡石林。無不歷覽。最後登冲天樓下介亭觀騎射。胡舞賦詩而歸。

結束戰袍騎戰馬。冠軍將軍宛如畫。前呵小駐來美堂。箭去弓鳴飛鳥下。青林路轉入岩峽。湖亭海觀爭爲高。誰知鳳舞龍飛外。別有樓閣橫雲霄。回旋左右皆遊歷。人物江山兩英特。風流標致梅嶺梅。磊落何襟石林石。側身更上天上行。好風吹下笑談聲。山神川后領要束。遁走虎豹藏蛟鯨。摩挲苔蘚題詩去。萬鼓叢中雜胡舞。衆賓捧酒壽主人。將軍自是擎天柱。看山看水時一來。錢塘吳越何小哉。指點中原百城在。功名逼人有機會。

古詩

涼生几硯窗未糊。秋風射入如相呼。床頭吳鉤作龍吼。便欲乘此搗穹廬。丈夫詩膽如斗大。摩挲笑與歌楚些。生平柔腸作鐵堅。挑盡寒燈擁襟坐。撞鐘打鼓天欲明。鴉未知曉雞先驚。夜來有雨不須問。聽取牕前蕉葉聲。老僧慣閒定較可。山色朦朧半煙鎖。玉簪委地怕禁持。消息雨中彈指過。前回十日得一晴。涼

山松檜如潑青。凝雲冉冉自辟易。半江滾滾金龍生。桂花畢竟絡繹薄。強出嬋娟懶梳掠。正緣久不見雲生。事半功倍掃蕭索。人言快意難得時。世間樂事須生悲。轉頭潑墨天地黑。依然雨腳如絲垂。山翁豈識神龍志。特地霖霖阻游意。不知金鴨香篆長。癡鼻猶可看文戲。重重疊疊添青蒼。誰謂濃翠遠叢篁。草木過濕有香意。衣籠簾櫳簞籠湯。峭巖萬丈苔斑駁。日固甚佳雨不惡。晴明晦冥俱可觀。芻豢有時薦藜藿。愛山之癡如愛詩。或日或雨皆足奇。君不見若把西湖比西子。淡妝濃抹總相宜。

上譙江州

邱公鎮金陵。辛老治京口。君王神武欲籌邊。九江更使何人守。九江太守今譙侯。譙侯德量容九州。詩書禮樂晉元帥。意度閒遠和而謀。清尊對客溫如玉。同上庾樓望西嶽。胡塵萬里氣壓之。客有白頭何碌碌。出門煙水空茫茫。西爲漢沔南衡湘。指點武昌在何許。買船又謁吳侯去。

觀三疊泉

五老峯北嵯峨巔。龍泉三疊來自天。只因開闢便有此。山雲蔽護經歲年。一朝何事失局鎗。樵者得之人共傳。欲往從之人憚遠。險溪絕壑窮攀緣。初疑雪崩湧天谷。翻若雲奔下巖宿。散爲飛風颭輕烟。垂似銀絲貫珠玉。隨風變態難盡名。觀者洞臆心與目。清寒停袂心益爽。清甘熨齒手屢掬。我欲攬之作玉虹。似開九丈錦屏風。有若插碧金芙蓉。笑騎揮斥凌太空。窮源直到天河東。

贈許從道之子祖孫

祖孫今年幾年齒。兩髻耽耽垂到耳。讀書要以六經先。次第漢唐十七史。老夫之見竊不然。別有一說爲
舉似。方今尊闕日衰甚。河朔早暮風塵起。腐儒酸寒作何用。國家所欠奇偉士。丈夫立身兩字盡。臣子忠
孝而已矣。吾觀汝相頭面闊。顏色麤厚黑而紫。汝翁七十鬢髮轉。汝父科第遲如此。與生生死盡文字。士
田官人村夫子。不如左彎右挾弓。肉食封侯差快耳。

郭帥遺蔭羹

書生窮無食肉相。老不能官猶編強。一杯紫蘇江西羹。萬戶封侯猶未當。主人幕下三千士。談士說竊如
蠶起。日日椎鮮與擊肥。壓飫腥羶飽而已。此生只願喫此羹。坐看將軍勳業成。金山乞取一片山。要看瀝
瀝兒拳短。窮人便是知田漢。

舟中

扁舟去門風怒惡。舟入深溪雪花落。我行無事有底忙。且向荻花深處着。隣船乞火包蛤蜊。曾中濁醪把
一卮。陶陶萬事不復理。凍口且吐寒酸詩。

村墅

俗子有錢村亦樂。秋田米熟歌牛角。三家村墅無官方。夜半呼盧笑聲諠。尋思我輩不如君。平生讀書徒
苦辛。遭時喪亂未得志。長策短策無由伸。不如賣劍買牛去。也學此翁邨裏住。只愁夜半月明時。得意無
人和詩句。

題一犂春雨圖後

阿耘無田食破硯。奉親日糴供朝飯。有田正恐拙把犂。何得更爲畫圖看。汝父名汝汝當知。有田無田未可期。有田不耕汝懶病。無田畫田真畫餅。畫田之外乃畫牛。捕捉風影何時休。頭上安頭入詩軸。全家不應猶食粥。

